

衆香詞

數集

大東
書局
印行

中華民國二十三年一月出版

衆香詞 (全六冊)

△(每部定價七)

(外埠酌加郵費匯費)

校訂者 董 綬 經

發行者 上海北福建路三三一號 大東書局

印刷者 上海北福建路三三一號 大東書局

總發行所 上海四馬路九十九號 大東書局

分發行所

南京 長沙 北平 天津 瀋陽 開封
徐州 濟南 漢口 梧州 常州
廣州 南昌 成都 杭州 重慶
汕頭 哈爾濱 新嘉坡

大東書局

版權所有
翻印不准

數集題辭

花叢

有若卷中人酒錄事爲鳳巢之雲隊亦風流之藪澤也女較
書綰柔情于月下神仙子托午夢于毫端曲奏霓裳香頰騰
紫蘭之氣情傳錦字冰綃濕紅淚之痕茲亦不乏玉樓金谷
中人豈少花間草堂之句耶宜乎元廉訪爲戀鏡湖春色過
卽范饒守亦托春風幹當來也爰附卷末以資吟助

數集題辭

花叢

廼小杜敢誇狂態琵琶常泣青衫豈于郎幸遇良緣溝水自
流紅葉錦香秋水驚鴻影過秦樓鶯囀流霞三昧語朝天子
何事賣花聲裏又坐散花人相見歡時應醉合歡帶集成完
璧名曰衆香還將待海內之詞壇不敢評閨中之音律

衆香詞數集 族里花叢

陽羨陳維崧其年 撫寧張 坦逸峰

校

德州孫 勲誠齋 茗溪錢萬選西岑

馬守貞 字月嬌上元名妓

湘蘭子集

趙 燕 字彩姬南曲名妓

秦淮四美人稿

朱泰王 字無瑕桃葉渡妓

綉佛齋集

鄭 妥 字無美南曲名妓

紅豆詞

薛 素 字素素吳郡名妓

南游草

楊 琰 字玉香舊院名妓

一清軒詞

徐驚鴻 字飛卿北里名妓

秋水詞

林奴兒 舊院角妓

卞 賽 字賽賽上元名妓

玉京道人集

夏雲弱 字蓮娘錦城名妓

劍閣芳華

張婉
字婉仙雲間名妓效顰吟

馬如玉
字楚嶼南市名妓鶴間詞

寇皚如
字貞素秦淮狀元遜雪樓集

范翩
字留雲舊院榜眼錦香詞

王曼容
字少君北里名妓長揚居集

桂姁
字月仙西湖名妓謝在杭日記

崔嫣然
字重文北里名妓幻影閣集

范璣
字舜華揚州名妓

景翩翩
字三昧建昌名妓散花吟

王月
字微波金陵名妓板橋雜記

郝文珠
字昭文秣陵名妓夜光詞

李萼
字文如湘南名妓流霞閣集

沙宛在
字嫩兒半塘名妓蝶香閣集

柳聲

字紫碗華亭名妓
驚轉詞

王賽玉

字儒卿舊院名妓

劉僊

字葦珠金陵狀元
醉白樓集

吳瑛

字澹如雲間狀元
棲鳳閣詞

花夢月

字紅兒河陽名妓

陳冉

字月素南曲名妓

白梅香

字西來練川名妓
楚江詞

鍾清

字素娘鑾江名妓

李無塵

字不染汴梁名妓
台歡樓集

尹春

字子春桃葉名妓

呼舉

字文淑江夏名妓
遙集編

呼采

字文如江夏名妓

頤文

字少文舊院名妓
翠擁樓集

馮湘 字靜容玉峯名妓淡宜吟

楊宛 字宛叔南曲名妓

方是仙 字澹然吳興名妓萍香詞

喬容 字雲生北里名妓落霞詞

王尚 字影香燕都名妓芳草詞

朔朝霞 字曙光金陵名妓紅于詞

朱瀾 字碧波江寧名妓

朱斗兒 字素娥金陵名妓月波詞

周青霞 字雨光西湖名妓

張回 字淵如金陵名妓

李端卿 字正妹錢塘名妓

周文 字綺生醉里名妓

袁蓮似 字素如六橋名妓落畫樓集

花 妥 字友鶯秦淮名妓

蔣 英 字翠桃蕪湖名妓

衆香詞數集

花叢

成都楊 岱敬菴

玉峰徐樹敏師魯

羊城屈大均翁山

同閱

金閶錢 岳十青

涇陽張鼎梅嘯月

新安程 洪丹問

馬守貞

字月嬌善画蘭號湘蘭子太原王穉登有傳曰嘉靖間海宇澄清朝野熙熙江左最稱饒富而金陵爲之

甲平康諸姬先後若而人風流豔冶鵲黑鴉黃傾人城國者何限在馬姬先者劉董羅葛段趙與姬同時其何蔣王楊馬楷青樓所稱十二釵也馬氏同母姊妹四人姬最小呼四娘名守貞小字月嬌又稱湘蘭子而名獨著無論宮掖戚畹王公貴人邊城戍士販夫廝養卒雖烏丸屠各番貂君長之屬無不知馬湘蘭者諸姬心害之及見馬姬高情逸韻濯濯如春柳早鶯吐辭流盼巧伺人意人人皆自顧弗若也姬聲華日盛凡游間子沓拖少年走馬章臺街者以不識馬姬爲辱油壁障泥雜沓戶外池館清疎花石幽潔曲室深閨迷不可出教諸小鬟學梨園子弟日爲供帳燕客羯鼓胡琵琶聲與金縷紅牙相間北斗闌干掛屋角猶未休雖纏頭錦堆牀滿案而金鳳釵玉條脫石榴裙紫襜褕常在子錢家以贈施多無所積也祠部有墨者以微譴逮捕之攫金半未厭捕愈急余適過其家姬被髮從

跣目哭皆腫客計無所出將以旦夕白衣冠送之渡秦淮
會西臺御史索余八分書請爲居間獲免姬歎王家郎有
心人哉欲委身於我余謝姬念我無人爬背癢意良厚然
我乞一丸茅山道士藥豈欲自得妹麗哉脫人之厄而因
以爲利厄之者幾何古押衙而在七首不陷余胸乎由是
不復言歸我而寸腸綢繆固結不解政猶禪人云如魚飲
水冷暖自知亦惟余與姬兩心相印舉似他人不笑卽睡
耳烏傷一少年游太學慕姬甚一見不自持留姬家不去
俄聞門外索逋者聲如哮虎立爲償三百緡呵使去姬本
俠也見少年亦俠甚德之少年昵姬欲諧伉儷指江水爲
誓大出裏蹠治耀首之飾買第秦淮之上用金錢無算而
姬擊鮮爲供具僕馬費亦畧相當是時姬政五十少年春
秋未半也錦衾角枕相嬲婉久而不少覺姬老娶念愈堅
姬笑曰我門前車馬如此嫁商人且不堪外聞以我私卿
猶賣珠兒絕倒不已寧有半百青樓人纔執箕帚作新婦
耶少年戀絕無東意祭酒聞而施夏楚焉始鞅鞅去盜聞
之謂姬積錢貨如山暮入其室大索寶玉不滿望怒甚盡
斬書函玩好投池中水入其室乃次骨後樓船將軍於江中
捕盜搜其篋出馬氏負子錢家券疊疊而後知姬室中靡
長物也然其俠聲由此益著先是姬與余有吳門烟月之
期幾三十年未償去歲甲辰秋日值余七十初度姬買樓
船載嬋娟十五五客余飛絮園置酒爲壽絕纓投轄履
烏續烟滿四座丙夜歌舞達旦殘脂膩粉香溢錦帆溼水
彌月烟溫蓋自夫差以來龍舟水殿絃管綺羅埋沒斜陽
荒草間不圖千載而後彷彿苧蘿仙子之精靈鸞笙鳳吹
從雲中下來游故都笑倚東窗白玉牀也吳兒嘖嘖誇美

盛事傾動一時未幾復游西湖梅雨淹旬暑氣鬱勃柔肌
膩骨不勝侵灼遂決西歸之策明年楓落吳江再過君家
二宿邀君同刺蜻蛉舟偏窮兩峯三竺之勝不似今年久
客流連令主人厨中荔枝鹿脯俱盡也余方頭風扶病登
舟送之射賣分袂之頃姬握手悲號左右皆泣余亦雙淚
龍鐘無乾袖矣比蒼頭送姬自金陵返述姬所以悲號者
憐余病骨屹然不能俟河清也嗚呼孰意姬忽先朝露哉
余別姬十六寒暑姬年五十七矣容華雖小減於昔而風
情意氣如故唇膏面藥香澤不去手鬢髮如雲猶然委地
余戲調卿雞皮三少若夏姬惜余不能爲申公巫臣耳歸
未幾病渴已病瘳下皆不在死法中醫師妄投藥絕口不
能進粥糜水食者幾半月先是姬家素倭佛龕事黃金像
滿樓中夜燈朝磬奉齋已七年將逝之前數日召比丘禮
梁武懺焚旃檀龍腦設桑門伊蒲之饌令小娟掖而行遶
猊座胡跪膜拜連數晝夜不止趣使治木狸首具矣然後
就湯沐禰服中裙悉用布坐良久瞑然而化此高僧道者
功行積歲所不能致姬一旦脫然超悟視四大爲粉妝髻
體革囊盛穢棄之不翅敝屣非賴金繩寶筏之力疇令蓮
花生于火宅乎彼洛妃乘霧巫女化雲未離四大慾界惡
得與姬並論哉姬稍工筆札通文辭擘箋題素裁答如流
書若游絲弱柳婀娜媚人詞如花影點衣烟霏著樹非無
非有而已然畫蘭最善得趙吳興文待詔三昧姬公後廣
陵散絕矣姬姿容雖非絕代而神情開朗明秀豔異方之
古名妓何忝蘇小薛濤李娃關盼諸人之亞匹歟胡不擇
名流事之縱未能貴齊汧國燕子樓中不堪老乎欲作王
家桃葉桃桃根余強學吾宗處仲解事事遂不諧以此負姬

惜哉使骨雖香不
逮蟬蛻泥汚耳

如夢令

雨過花枝紅倦日照綉幃剛半半睡半醒時誰向耳邊低喚魂
斷魂斷花也爲人長嘆

菩薩蠻

芙蓉和饒荆壁

蘆花飄雪秋江冷玉笛橫吹人未靜風急雁初來芙蓉相對開
露重嬌難起紅香映秋水臨鏡一枝斜芳姿比落霞

壺天曉

細雨花容如醉新晴似夢初回晴晴雨雨總相宜正是養花天
氣曉日最添新恨東風慣惹離思風嬌日麗怎相宜正是困
人天氣

鵲橋仙

七夕

深院飄梧高樓掛月漫道雙星殘約人間離合總難期空對景

靜占靈鵲 還想停梭此時相晤可把別愁訴却瑤堦獨立且
微吟覩瘦影涼風吹着

踏莎行 游絲

裊裊隨風盈盈怯雨浮踪長日渾難主却看旖旎聚還分最憐
繚繞來兼去 弱比飛塵輕同吹絮無端不解尋歸處碧天春
畫任悠颺有時力困縈芳樹

蝶戀花

天香館寄陳湖山

陣陣殘花紅作雨人在高樓綠水斜陽暮新燕營巢尋舊壘湘
烟剪破來時路 腸斷蕭郎紙上句三月鶯花撩亂無心緒默
默此情誰共語暗香飄上羅裙去

青玉案

集延秀閣同錢景伯雷奇生

玉容漸漸傷春悄花枝亞簾衣小盡日垂簾遲燕到婢解鶯歌
奚調鶴餉院落風光好 微聲頻把金尊倒拂拭博山香裊裊